

Minister Xiomara Maduro a dedica poema na Etty



ORANJESTAD (AAN): Diabierna anochi durante su discurso nos Minister di Cultura a expresa un gradicimento di curason na Etty pa su tremendo aporte na e cultura di Aruba.


Pais Aruba ta aprecia tur Etty su esfuersonan pa ta un tremendo emba-hador di Pais Aruba den exterior y pa pone Aruba su nomber briya riba tere-no di musica internaciona-lmente. Masha Danki pa mantene nos cultura bibo, por medio di Etty su mu-sica.

Na nomber di Go-bierno y pueblo di Aruba, Minister Xiomara Maduro a dedica un poema na Etty,

cual tabata lo siguiente:
Nos por ta chikito den tamaño
Pero rico na talento y cre-atividad
Mane Etty sa bisa: *Aruba mes tin tur cos*
Berdad, nos tin tur cos.

Baile di Seu
♪Ban baile, ban zoy'e♪
Na bos halto: rond mundo a wordo canta
Nos dushi Papiamento a resona

Etty, bo balor pa locual ta di nos,
A habri caminda y muestra Aruba henter cu:
Nos expresion artistico por wordo exporta



Nos don, talento y cre-atividad merece di wordo profila.

Den su profesion como educador Etty a inspira. Danki pa guia, ed-uca y forma: Generacionnan di hoben. *Señor meneer di scol*

Dicon nunca mi a haya un rapport, Cu ta duna punto pa amor?

Danki Etty pa uza klas como podium.
Danki pa comparti cono-cimiento valioso di bida.

Awe, Etty, nos ta ex-presa nos gratitud

Pa bo contribu-cion y bo curason, E dedicacion na bo musica y talento Pabien cu bo 65 aña den farandula.

Manera ta conoci Etty ta sufriendo un ke-brante di salud y pa e mot-ibo aki e no tabata por ta presente na Plaza Nicky Habibe Jr., pero si Etty y su sra. Corma a sigui e evento via medionan. Minister Maduro a expresa na Etty: "For di aki na Plaza Nicky Habibe Jr., nos ta transmiti e amor y cariño di bo pub-lico di tur diabierna atardi y pueblo di Aruba, na bo aya na bo cas na Companashi.



Etty cu nos bon Dios sigui drama su bendicion riba bo y sigui cuida bo".

Un dedicatorio masha bunita cu Etty sig-urmente merece cual a wordo masha aprecia pa e publico presente diabierna anochi.